



Broj: Ž-BL-05-526/20  
Ž-BL-05-561/20  
Ž-BL-05-566/20  
Ž-BL-05-567/20  
Ž-BL-05-568/20  
Ž-BL-05-574/20  
Ž-BL-05-589/20

Dana: 16.09.2020.

P-176/20

## **VIJEĆE MINISTARA BOSNE I HERCEGOVINE**

*n/r predsjedavajućeg*

### **VLADA REPUBLIKE SRPSKE**

*n/r predsjednika*

### **VLADA FEDERACIJE BOSNE I HERCEGOVINE**

*n/r predsjednika*

### **VLADA BRČKO DISTRIKTA BOSNE I HERCEGOVINE**

*n/r predsjednika*

**Predmet: Preporuka u pogledu dostupnosti zakona i drugih opštih pravnih akata na svim nivoima zakonodavne vlasti u Bosni i Hercegovini, dostavlja se**

Poštovani,

Ombudsmeni za ljudska prava Bosne i Hercegovine (u daljem tekstu: Ombudsmen Bosne i Hercegovine), su tokom mjeseca avgusta i septembra 2020. godine imali određen broj obraćanja građana kao i udruženja građana a koji se tiču dostupnosti zakona i drugih opštih pravnih akata.

Spomenuti subjekti obraćali su se Ombudsmenu Bosne i Hercegovine uporedo s obraćanjem Vijeću ministara Bosne i Hercegovine, vladama entiteta i Brčko Distrikta Bosne i Hercegovine. Imajući u vidu tu činjenicu, jasno je da se žalbe podnosilaca u tom smislu mogu smatrati neprihvatljivim u skladu s članom 26. stav 1 tačka 7 Pravila postupka Institucije ombudsmena za ljudska prava Bosne i Hercegovine ("Službeni glasnik Bosne i Hercegovine", broj 104/11). Međutim, analizirajući sadržaj podnesaka, Ombudsmeni nalaze njihovu opravdanost, te Vam se, u vezi s tim, obraćaju ovom preporukom.

Naime, opštim pravnim aktima na svim nivoima vlasti u Bosni i Hercegovini propisano je da isti ne mogu stupiti na snagu prije nego što budu objavljeni u službenim glasnicima. Svi službeni glasnici u Bosni i Hercegovini osnovani su od strane organa izvršne vlasti.

Kako bi se građani mogli pridržavati propisa koji se na njih odnose, neophodno je da budu upoznati s njihovom sadržajem. Izdanja službenih glasnika dostupna su samo onim licima koja su pretplaćena na njihova štampana ili elektronska izdanja.

Imajući u vidu činjenicu da veliki broj građana Bosne i Hercegovine, Republike Srpske, Federacije Bosne i Hercegovine i Brčko Distrikta Bosne i Hercegovine živi na granici siromaštva, a pritom imajući u vidu i novonastalu situaciju u vezi s virusom COVID -19, većina njih nije u mogućnosti priuštiti sebi neki vid izdanja službenih glasnika.

Službeni glasnici u Bosni i Hercegovini osnivaju se kao javna preduzeća ili kao javne ustanove. Njihova isključiva djelatnost je od opšteg interesa. Opšti interes ostvaruje se obezbjeđivanjem da se sa zakonima, drugim propisima i opštim aktima upoznaju sva fizička i pravna lica, odnosno svi građani. Pojedini službeni glasnici sredstva za rad obezbjeđuju iz sredstava koja ostvaruju svojim poslovanjem. Međutim, i pored te činjenice, Ombudsmeni smatraju da u pogledu njihove dostupnosti mnogo veći značaj ima opšti interes.

Imajući u vidu navedeno, Ombudsmeni smatraju da bi bilo cjelishodno da se iznađu tehničke mogućnosti kako bi elektronska izdanja službenih glasnika bila dostupna na web-stranicama.

Osim toga, Ombudsmeni Vas podsjećaju da su izdali preporuku<sup>1</sup> kojom se kriznim štabovima u Republici Srpskoj i Federaciji Bosne i Hercegovine nalaže da preduzmu potrebne mjere kako bi se sve odluke kriznih štabova na svim nivoima vlasti objavljuvale u svim sredstvima javnog informisanja i na web-stranicama svojih institucija na potpuno jednostavan i shvatljiv način, razumljiv svim građanima Bosne i Hercegovine, kako bi se izbjegla nepotrebna različita tumačenja.

Ombudsmeni Bosne i Hercegovine  
Prof.dr Ljubinko Mitrović, s.r.  
Dr. Jasminka Džumhur, s.r.  
Nives Jukić, s.r.

---

<sup>1</sup> P-102/20, od 13.04.2020. godine